

Kalaallit Nunaanni Tusagassiuutit pillugit Aaliangiisartut

**Ukiumoortumik nalunaarut
2024**

Imarisaanut takussutissiaq

Kalaallit Nunaanni Tusagassiuutit pillugit Aaliangiisartut.....	3
Kalaallit Nunaani Tusagassiuutit pillugit Aaliangiisartut katiternerit 2021-2025.....	5
Suliat ataatsimut takussutissartai sulianillu aalajangersimasunik suliarinninneq.....	6
2024-952 – [Naammagittaalliortoq] illuatungeralugu Sermitsiaq.....	7
2024-14938 – [Naammagittaalliortoq] illuatungeralugu Sermitsiaq.....	15

Kalaallit Nunaanni Tusagassiuutit pillugit Aaliangiisartut

Tusagassiuisarnermi akisussaassuseqarneq pillugu Inatsisartut inatsisissaat nr. 17, 19. november 2007-imeersoq (tusagassiuisarnermi akisussaassuseqarneq pillugu inatsit) naapertorlugu Naalakkersuisut Kalaallit Nunaanni Tusagassiuutit pillugit Aaliangiisartunik (Tusagassiinermut Aaliangiisartut) toqqaasarput, inatsisileritooq ilaasortallu arfinillit aammalu allattoqarfik aalajangiisartuullutik. Inatsisileritooq ilaasortallu arfinillit tamarmik sinniisoqarput.

Tusagassiuutit pillugit Aaliangiisartut suliani makkunani aalajangiisarput:

- 1) Tusagassiornermi ileqqorissaarnissamik maligassiissutit unioqquutillugit saqqummiisoqarsimanersoq, tak. § 34.
- 2) Kapitali 6-imi malittarisassat naapertorlugit tusagassiuut pisussaannersoq, akerlilineq saqqummiutissallugu, tassunga ilanngullugit akerliliinerup imarisaanut, ilusaanut inissisimaneranullu tunngasut.

Tusagassiuutit pillugit Aaliangiisartut siulittaasuata itigartissinnaavai:

- 1) Naammagittaalliutit, aalajangiisartut susasaqarfigisaannut ersarissumik ilaangitsut, tak. imm. 1, imaluunniit ersarissumik tunngavissaqanngitsut.
- 2) Inunnit, suliffeqarfinnit il. il. naammagittaalliutit, pissutsit naammagittaalliutigineqartut pillugit inatsisitigut soqutisaqartuunngitsuneersut.
- 3) naammagittaalliutit naammagittaalliornissamut piffissaliussamik eqquutsitsisimanngitsut, takuuk. § 34, imm. 2 imal. imm. 3, imal. § 40.

Tusagassiuutit pillugit Aaliangiisartut namminneerlutik suliaq qaqissinnaavaat, taanna pingaaruteqarpat imaluunniit tunngaviusumik pingaaruteqarpat. Taamaattoqartillugu innarlerneqartumit oqaaseqaammik piniartoqassaaq tusagassiummiillu naammagittaalliummi pineqartumit oqaaseqaammik piniassapput.

Tusagassiuutit pillugit Aaliangiisartuni ilaasortaq naammagittaalliutip suliarineranut akuusinnaangilaq tusagassiummut pineqartumut attuumassuteqaruni, imaluunniit allatigut pissutsit imaappata, ilaasortap suliamut immikkut soqutigisaqartuunera apeqquserneqarsinnaalluni. Taasinermi amerlanerussuteqarnikkut patsisitalersukkamik aalajangiinertut ilusilerlugu aalajangiissapput, illuatungeriit akornanni isumaqatigiissuteqarnikkut inaarisoqanngippat. Taasinermi naligiittoqartillugu, siulittaasup taasinera aalajangiisuussaaq. Taamaattoqartillugu aalajangiineq imaqaassaaq naligiitsumik aalajangiisoqarsimanngitsoq.

Matumunnga Tusagassiuutit pillugit Aaliangiisartut tusagassiuutip naammagittaalliutigineqartup aaqqissuisua peqqusinnaavaat aalajangiineq piaarnerpaamik saqqummiuteqqullugu, Tusagassiuutit pillugit Aaliangiisartut ersarinnerusumik aalajangersagaattut annertussusilerlugu ilusilerneqartumik. Tusagassiuutit pillugit Aaliangiisartut aalajangernerata saqqummiunneqarnerani, oqaasertaliussanik ilaqartinneqassanngilaq, nammaginartumillu piumasarineqarsinnaasumik ersarissuseqassalluni.

Tusagassiuutit pillugit Aaliangiisartut aalajangigaat allaffissornikkut oqartussaasumut allamut suliaannngortinneqarsinnaanngilaq.

Tusagassiuutit pillugit Aaliangiisartut suliatik pillugit, Naalakkersuisunut ukiumoortumik nalunaarusiortassapput. Nalunaarut avammut saqqummiunneqassaaq, tak. § 51.

Attavigiuk:

Kalaallit Nunaanni Tusagassiuutit pillugit Aaliangiisartut
c/o Ilinniartitaanermut, Kultureqarnermut, Timersornermut Ilageeqarnermullu
Naalakkersuisoqarfik
Imaneq 1A,
Postboks 1029
3900 Nuuk
Oqarasuaat +299 34 57 41
E-mail: pressenaevn@nanoq.gl

Kalaallit Nunaani Tusagassiuutit pillugit Aaliangiisartut katiternerit 2021-2025

Innersuussisut:

Naalakkersuisoq:
(Siulittaasumik
qinersineq)

Kalaallit Nunaanni
Tusagassiortut
Peqatigiiffiat:

Tusagassiuutit
aaqqissuisoqarfiini
sinniisut:

Kattuffiit:

Ilaasortaq:

Kirsten Thomassen
(Eqqartuussisuuneq)

Karsten Sommer
Dorthe Olsen

Inge S. Rasmussen
Alice Sørensen

Peter Jensen

Sinniisussaq:

Morten Nornild
(Rigsombudsmandenimi
pisortarp tullersortaa)

Else Løvstrøm
Mads Pedersen

Aminnguaq Dahl Petrussen
Jens Thorin

Bia Andersen
Rosannguaq Rossen

Suliat ataatsimut takussutissartai sulianillu aalajangersimasunik suliarinninneq.

Tusagassiuutit pillugit Aaliangiisartunut saaffiginnissutigineqarsimasut tamarmik uani allanneqassapput. Taamaallaalli ataani saaffiginnissutit suliarineqarsimasut kisimik atuarneqarsinnaapput. Suliat tamarmik kinaassutsimik isertuussanngortinneqassapput.

2024-mi Tusagassiuutit pillugit Aaliangiisartut marlunnik naammagittaalliutinik tigusaqarsimavoq.

2024-952 – [Naammagittaalliortoq] illuatungeralugu Sermitsiaq

2024-14937 - [Naammagittaalliortoq] illuatungeralugu Sermitsiaq

A A L A J A N G I I N E Q:

Kalaallit Nunaanni Tusagassiuutit pillugit Aaliangiisartunit ulloq 5. marts 2024-mi oqatigineqartoq

Suliamut attuumassuteqartoq 2024-952

[Naammagittaalliortoq]
illuatungeralugu
Sermitsiaq

[Naammagittaalliortoq] Sermitsiap ilanngutassiaq ulloq 24. november 2023 saqqummiussaa naammagittaalliuutigineqarsimavoq. [Naammagittaalliortoq] isumaqarput tusagassiornermi ileqqorissaarnissaq unioqqutinneqarsimasoq.

Suliap saqqummiunneqarnera

Sermitsiamit ilanngutassiaq ”Najukkami ilaqutariit suliffeqarfiutaat aatsitassarsioritseqatigiiffimmit atornerlunneqartoq” ulloq 24. november 2023 saqqummiunneqarpoq, imatut qulequtaanut nassuiaatitaqartoq:

”**Aningaasarsiornermik ingerlatsisoq Irlandimi** Ruslandimilu innuttaassuseqartoq [Ateq1], Kalaallit Nunaanni ujaasinissamut akuersissutilinnik marlunnik ingerlatseqatigiiffiuteqartoq, Qaqortumi akuersissummik pinani ilaqutariit suliffeqarfiutaannut CVR-mi nalunaarsorsimaffimmut ingerlatseqatigiiffiutimi immikkoortortaqaarfiinik nunatsinni pilersitsisimanerminut isornartorsiorneqarpoq.”

Ilanngutassiami ilaatigut allaqqavoq:

”Seqinnersuusami Olivininik aamma Dunit-inik CO2-mik toqqorsinermut atorneqarsinnaasunik, aatsitassarsiorluni misissuinermit ingerlatseqatigiiffik [Suliffeqarfik1] akuersissummik tunineqartoq, oktobarip naanerani [Naammagittaalliortoq] nalunaaruteqarput. Sermitsiap ingerlatseqatigiiffik misissuiffigaa, taanna ilaatigut Londonimit adresseqarpoq, ilaatigullu [Ateq2]-ip ilaqutariillutik Qaqortup eqqaani [Suliffeqarfik2]-imi suliffeqarfiutaanni adresseqarluni.

Isortumi akuersissutaateqartoq

Ingerlatseqatigiiffik [Suliffeqarfik1] Irlandimi Ruslandimilu innuttaassuseqartoq aningaasarsiornermik ingerlataqartumit [Ateq1]-imit pilersinneqarpoq, taanna aamma 2017-imiilli Isortumi Qaqortup eqqaani ingerlatseqatigiiffiutaasa ilaat aqqutigalugu aatsitassarsiorluni misissuinermit akuersissutaateqarpoq; [Suliffeqarfik3].

Sumiiffimmilu tassani [Ateq2] ilaquuttanilu [Suliffeqarfik2] ingerlappaat. Taamanikkut taakku allakkat imaluunniit atortut misissuiffiusumut nassiunneqassappata, [Ateq1]-imut allakkanut adresseminnik atuinissaanut akuersissuteqarput. [Ateq2]-ip ilisimanngilaa, atini aamma suliffeqarfiutini CVR-imi nalunaarsorsimaffimmut siullermik [Suliffeqarfik3]-p nunatsinni immikkoortorta qarfiatut aamma kingorna [Suliffeqarfik1]-imi immikkoortorta qarfittut nalunaarsorneqarsimasut, taamaalilluni ingerlatseqatigiiffiit nunanit allaneersut, Kalaallit Nunaanni akuersissummik pissarsiniarunik ingerlatseqatigiiffimmik pilersitsisimasussaanerannik aatsitassanut inatsimmi piumasaqaammik naammassinnippoq.

Aatsitassarsiorniarluni misissuiffimmut allakkanik atortunillu nassiussisoqassappat, [Ateq1]-ip allakkanut adressera atorsinnaagaa akuersivunga, kisitta umiarsualiveqarlutalu sumiiffimmi tigooraaveqarnerput pissutigalugu. Ulloq mannali tikillugu ingerlatseqatigiiffimmit qillerutinik imaluunniit uuttortaatinik tikiussisoqarnikuunngilaq. Aammattaaq ingerlatseqatigiiffimmut ujarassiumik misissuiartortumik ataatsimik sumiiffimmiittoqarnikuunngilaq.

Kalaallit Nunaanni adresse atoraa

[Ateq2]-ip oqarnera naapertorlugu, sumiiffimmi suliaqartoqannginneranik [Naammagittaalliortoq] aarlerisaaruteqarfigisimavaa, taamaattumillu akuersissut nutaamik neqeroortigeqqinneqartariaqarnerarlugu. Tamatuma saniatigut Sermitsiap saaffiginninnerata kingorna paasilerpaa, [Ateq1] inuussutissarsiornermut ingerlatseqatigiiffinnullu aqutsisoqarfiimmut paasissutissanik kukkusunik ingerlatitseqqissimasoq, tassani [Ateq2]-ip [Suliffeqarfik1] aamma [Suliffeqarfik3], »nunanit allanit ingerlatseqatigiiffimmit Kalaallit Nunaanni immikkoortorta qarfittut« ingerlatarigai atuarneqarsinnaavoq.

- Paasissutissat taakku eqqunngillat. [Ateq1]-ip toqqorteriffittut atorsimagaatigut isumaqarpunga, taamaalilluni kalaallit ingerlatseqatigiiffiusut isumaqartoqassammat, naak piviusumik Londonimi adresseqaraluartut. Ingerlatseqatigiiffiit CVR-imi nalunaarsuiffimmut [Suliffeqarfik2]-imi najugaqarfeqartut nalunaarsorneqarnissaannut akuersissuteqarnikuunngilanga, [Ateq2] oqarpoq, taassuma tamatuma kingorna [Ateq1] attaveqarfigisimavaa, aaqqinniarlugulu inuussutissarsiornermut ingerlatseqatigiiffinnullu aqutsisoqarfik attaveqarfiginiarpaa. [Naammagittaalliortoq]-p Kalaallit Nunaanni kikkunnut akuersissutinik tunniussisarnerminnik eqeersimaarnerunnginnerat, [Ateq2]-ip aamma tupigusuutigaa. Ingerlatseqatigiiffiit aappaa [Suliffeqarfik3], Londonimi pilersinneqannginnermini piffissami 2018-21-mi akileraarutikinnerusumi Isle of Manimi nalunaarsorneqarsimasoq, Sermitsiap misissuinerata aamma takutippaa.

- Ingerlatseqatigiiffiit aatsitassarsiorniarluni misissuinissamut ingerlatsinissamut aningaasaliissutit pisariaqartinneqartut pissarsiarisinnaanngikkaat ilimagaara, [Ateq2] oqarpoq.

Kalaallit Nunaanni suliffeqarfik adresseqartoq

Ingerlatseqatigiiffinni taakkunani marlunni pisortaq [Ateq1], mailikkut Sermitsiap pissarsiarisimasaani [Ateq2]-imut, paatsoortoqarnera ajuusaarutigisorujussuullugu allappoq, [Ateq2]-illu CVR-imi nalunaarsuiffimmut ilanngunneqarsimaneq kamaatigisimassappagu paasisinnaanerarpaa. Inuussutissarsiornermut ingerlatseqatigiiffinnullu aqutsisoqarfik ingerlaannaq attaveqarfiginiarlugu, [Ateq1] nangilluni allappoq.

...”

Ilanngutassiaq siuliani pineqartoq ulloq 25. november 2023 nutaarsiassaqaqtitsiviup nittartagaatigut Sermitsiamit saqqummiunneqarpoq.

Ulloq 6. december 2023 ilanngutassiamut naqqiissut manna nutaarsiassaqaqtitsiviup nittartagaatigut ilanngunneqarpoq:

”MALUGIUK: Aatsitassanut Aqutsisoqarfimmit ilisimatitsissutigineqarmat, ujaasinissamut akuersisummik pissagaanni piumasaqaataanngitsoq Kalaallit Nunaanni suliffeqarfimmik pilersitsisoqarsimanissaa, Kalaallilli Nunaanni adressemik pilersitsisoqarnissaa, ass. C/O adressemik, ilanngutassiaq naqqinneqarpoq.”

Ulloq 15. december 2023 aviisip Sermitsiap quppernerani 14-imi ilanngutassiaq ”Aatsitassanut inatsimmi angerlarsimaffimmut piumasaqaatit allanngortut” saqqummiunneqarpoq. Ilanngutassiap pineqartup taassuma quppernerani 15-imi ”Sapaatip-akunnera 47-mi allaaserisamut naqqiut” qulequtsiullugu naqqiissut saqqummiunneqarpoq, tassani allassimalluni:

”Allaaserisami »Najukkami ilaqutariit suliffeqarfiutaat aatsitassarsiortitsecatigiiffimmit atornerlunneqartoq« ujaasinissamut akuersissut, akuersissutaateqartumut Aatsitassanut tunngasunik suliaqarneq pillugu Inatsisartut inatsisaat malillugu, Kalaallit Nunaanni suliffeqarfimmik pilersitsisimanissamik piumasaqaateqartoq allapparput. Tamatuma kingorna taamatut nassuiaaneq ersarinngitsoq paasinarsivoq, aatsitassanut aqutsisoqarfik tamatuma kingorna ilisimatitsivoq, ujaasinissamut akuersissutaateqartunut Kalaallit Nunaanni adresseqarnissamik taamaallaat piumasaqaateqartoqartoq. Suliami pineqartumi akuersissutaateqartut nunanit allaneersut ingerlatseqatigiiffiit [Suliffeqarfik1] aamma [Suliffeqarfik3], ingerlatseqatigiiffiit nunanit allaneersut nassiussanik allanillu tigusinissamut ilaqutariit suliffeqarfiutaannut isumaqatigiissuteqarsimapput. Taamatulli isumaqatigiissuteqarnerup kinguneranik [Suliffeqarfik2] CVR-imi nalunaarsuinerni arlalinni adresse aqqutigalugu aatsitassarsiortitsecatigiiffimmut attuumassuteqarsinnaasutut paasineqarsinnaavoq, [Ateq2]-illu oqarnera naapertorlugu tamanna isumaqatigiissummut ilaanngilaq, aamma ilisimatinneqarsimanngilaq. Allaaserisap qulequtaanut naqqiutitut imatut allattoqarsinnaavoq: »Ilaqutariit suliffeqarfiutaat aatsitassarsiortitsecatigiiffimmit atornerlunneqartutut misigisimavoq.

Ingerlatseqatigiiffiit amerlanerpaartaat Kalaallit Nunaanni imaluunniit Danmarkimi eqqartuussissuserisoqarfimmi adresseqartarput, tamannalu nalinginnaasumik ukiumut 15.000-20.000 koruunit missaannik ingerlatseqatigiiffinnut akeqartarpoq.«

Illuatungeriit isumaat

[Naammagittaalliortoq]-mit isummat.

[Naammagittaalliortoq]-mit pingaartumik oqaatigineqarpoq, ulloq 19. november 2023 Sermitsiami tusagassiortumut erseqqissaassutigineqarsimasoq,

Inuussutissarsiornermut Aqutsisoqarfiup skemaliaa pillugu paatsoorsimasoq, taamalu aatsitassarsiutileqatigiiffiup nunamit allameersup najukkami suliffeqarfik

immikkoortorta qarfiginerarlugu atonerlussimagaa pillugu aviisip suliarisimasaa eqqunngitsuusoq. Sermitsiami tusagassior toq saaffiginnissummut maili aqqutigalugu nassiunneqartumut qisuariarsimanngilaq, aviisimiillu oqaluttuaq ulloq 24. november 2023 saqqummiunneqarluni.

[Naammagittaalliortoq] Sermitsiami tusagassior toq suliaq pillugu ulloq 29. november 2023 oqaloqatigisimavaa. Tassani [Naammagittaalliortoq]-p erseqqissaassutigaa, aviisimit oqaluttuarineqartoq eqqortuunngitsoq. Tusagassior toq tassunga isumaqataannigilaq, innersuussutigalugulu immikkut ilisimasalimmik oqaloqateqarsimallutik, taassuma oqaatigisimammagu [Suliffeqarfik2]-imik piginnittoq kinaassusianik atonerluisoqarsimasoo. [Naammagittaalliortoq]-p erseqqissumik oqaatigisimavaa, aviisi kukkusimasoo naalakkersuisoqarfimmit isumaqarlutik, tusagassior tumullu apequtigalugu aviisimit Inuussutissarsior ner mut Aqutsisoqarfimmut attaveqartoqarsimanersoq, CVR-skemamik eqqortumik paasinnissimanertik qulakkeerniarlugu. Aviisimit taamaaliortoqarsimanngilaq. [Naammagittaalliortoq]-mit aamma apequtigineqarsimavoq, malittarisassat eqqortumik paasineqarnissaat qulakkeerniarlugu inatsisilerituumik oqaloqateqarsimanersut. Aamma taamaasiorsimanngillat. [Naammagittaalliortoq]-p tusagassior toq Aatsitassanut Aqutsisoqarfimmi pisortamut saaffiginneqqusimavaa, tassani inatsisit malittarisassallu tamatumunnga tunngaviusut pillugit paasissutissanik piniarluni aamma CVR pillugu skemap nassuiaataanik Sermitsiamit paatsoortoqarsimanera pillugu itinerusumik nassuiaanneqarnissaq anguniarlugu. Aviisimiilli saaffiginnittoqarsimanngilaq.

Piginnittussaataasooq kisimi "Nunami allamiut ingerlatseqatigiiffiata suliffeqarfiataluunniit Kalaallit Nunaanni immikkoortorta qarfeqartutut" nalunaarsorsimasussaavoq. Aatsitassanut Aqutsisoqarfiup nassuiaat tamanna Inuussutissarsior ner mut Aqutsisoqarfimmut CVR-imik ingerlatsisumut ulloq 30. november 2023 saqqummiuppaa. Inuussutissarsior ner mut Aqutsisoqarfimmit Aatsitassanut Aqutsisoqarfimmit naliliineq tamanna isumaqatigineqarpoq. Tamanna Sermitsiamut ulloq 4. december tusagassior tup [Naammagittaalliortoq]-llu oqaloqatigeeqqinnerani ilisimatitsissutigineqarpoq. [Naammagittaalliortoq]-p arlaleriarluni apequtigeqeqattaarsimavaa, CVR-imut nalunaarsorsimanissamut skema Sermitsiamit kukkusumik paasineqarsimanersoq pillugu [Naammagittaalliortoq]-p ilisimatitsissutaa misissorneqarsimanersoq. Tusagassior toq akuersaannigilaq isummanilu aalajangiussimallugu. Tusagassior tup aamma ingerlatseqatigiiffeqarnissamut piumasaqaatit pillugit malittarisassat paatsoorsimavai. [Naammagittaalliortoq]-p aammaarluni tusagassior toq Aatsitassanut Aqutsisoqarfimmi pisortamut saaffiginneqquaa. Tusagassior tup akissuteqarluni oqaatigaa, aqutsisoqarfimmi pisortamit attaveqarfigineqarnissani utaqqisimallugu. [Naammagittaalliortoq]-p erseqqissaassutigaa, aviisimi sulisut namminneerlutik misissukkatik isumagisariaqaraat, taamalu aviisimi sulisut apeqqutitik akissutissarsiniarlugit namminneerlutik aqutsisoqarfimmut attaveqartariaqartut.

Tamatuma kingorna tusagassior tup aqutsisoqarfimmi pisortaq attaveqarfigisimavaa malittarisassanillu nassuiaatsilluni. Tusagassior tup tamatuma kingorna pineqartumi

piviusut ataasiakkaat nutaarsiassaqaqtitsiviup nittartagaatigut iluarsisimavai, tassanili ilanngutassiaq alla pillugu saqqummiussamut atatillugu aviisimit kukkuneqarsimasoq annikinnerusumik erseqqissaaffigineqarsimalluni.

[Naammagittaalliortoq]-mit isumaqarput, aviisimit Sermitsiamit pitsaasumik tusagassioriaaseqarnissaq unioqqutinneqarsimasoq:

- Sermitsiap paasissutissat eqqortut saqqummiussimanngilai, naatsorsuutigineqartutullu paasissutissaatitik eqqortuunersut misissorsimanagit.
- Aviisimit kukkusoqarsimasoq ilisimaneqalermat aqqissuisoqarfimmit namminneerlutik piaartumillu naqqiissuteqartoqarsimanngilaq. Atuartartut naqqiissuteqartoqarneranik naammaginartumik eqqumaffiginnittussanngorlugit naqqiissuteqartoqarsimanngilaq.
- Paasissutissat Sermitsiamit saqqummiunneqartut tatigineqarnermik annikillisitsisinnaapput, taamaakkaluartorli naammaginartumik misissorneqarsimanatik.

Tusagassiuutit suliassaar pingaaruteqartuupput. Tusagassiuutit pissaanermik tigummiqaqtut suliassaminnik isumaginittarnersut nakkutigisussaavaat qulakkeerlugulu inuiaqatigiit pillugit oqaluttuassat pingaarutillit innuttaasunut saqqummiunneqarnissaat. Taamatulli suliaqarnissamut aalajangiisuulluinnarput tusagassiuutit tutsuiginartuunissaat aamma oqaluttuariniakkatik tusagassiortutut misissuisimanermit tunngaveqartinneqarnissaat, tassa namminneq isummatik taamaassorinninnertillu tunngavigisussaannngilaat. Matumani pisumi taakkunannga malinninnissaq Sermitsiamit isumagineqarsimanngilaq, aamma kukkusimanerlutik misissuinissaq soqutigisimanngilaat.

Sermitsiamit taamaalilluni tunngavissaqaanngitsumik najukkami suliffeqarfik pingaarnertut nutaarsiassanngortinneqarsimavoq, taamalu suliffeqarfimmik piginnittoq aatsitassarsiutileqatigiiffimmit atornerlunneqarsimanersoq pillugu ernumatilerlugu. Tamatumunnga peqatigitillugu Sermitsiap aatsitassarsiutileqatigiiffik pineqartoq oqartussallu aatsitassanut tunngatillugit suliaqartarnerat tatigineqarunnaarsissimavai.

Innuttaasut tusagassiuutinik tatiginnissappata tamakkua tamarmik uparuarneqartariaqarput.

Sermitsiap isumai

Sermitsiamit pingaartumik oqaatigineqarpoq, ilanngutassiaq tusagassiortutut misissuisimanermit tunngaveqartoq, isumaqatigineqanngilarlu ilanngutassiornermi isummat taamaassorinninnerillu tunngavigineqarsimasutut oqaatigineqarnerat. Tusagassiortup piffissaagallartillugu piginnittussaatitaasoq [Ateq1], [Suliffeqarfik2]-imik piginnittoq [Ateq2], [Naammagittaalliortoq] kiisalu Aatsitassanut Aqutsisoqarfik attaveqarfigisimavai. Paasissutissat tusagassiissutigineqarnerisa pitsaassusii

piffissaagallartillugu qulakkearniarneqarsimapput, tassani tusagassiortup immikkut ilisimasalik arlaannaannulluunniit attuumassuteqanngitsoq, professori [Ateq3] suliamik naliliisissimavaa. Immikkut ilisimasalik arlaannaannulluunniit attuumassuteqanngitsoq inatsisilerituutut ilinniagaqarsimanngilaq, Aalborg University Business School-imili kiisalu Aalborg Universitetip Det Humanistiske og Samfundsvidenskabelige Fakultetiani professoriuvoq, Ph.d. cand, oecon BA-julluni.

Sermitsiamit nassuerutigineqarpoq — naqqiissutitut saqqummiunneqartuni aamma takuneqarsinnaasutut — aallaqqaammut nassuiaatigineqartoq aamma CVR-imut nalunaarsorsimanissamut skemami "Suliffeqarfiit" pineqartut, aamma c/o adresse taaneqartoq eqqortuunngitsut, aqutsisoqarfimmi pisortap [Ateq4]-ip paasissutissiissutai naapertorlugit.

Ilaatigut [Naammagittaalliortoq]-mit suliami immikkoortut ilaannut nassuiaammik ingerlatitseqqittoqareersaq, Sermitsiami aqqiissuisoqarfimmit ilanngutassiamut naqqiissutit saqqummiinissaq toqqarneqarsimavoq. Ilanngutassiap saqqummiunneqarneranit ullut 12-it qaangiunneranni (6. december 2023 nittartakkakkut), ullut 20-t qaangiunneranni (14 december, nittartakkakkut) aamma ullut 21-t qaangiunneranni (15 december, aviisitigut naqitakkut) naqqiissuteqarnerit pippit. Sermitsiamit oqaatigineqarpoq paasissutissat nutarterneqarsimasut saqqummiussinissamut periarfissat naapertorlugit sapinngisamik sukanerpaamik saqqummiunniarneqarsimasut (tassa nutaarsiassaqaartitsiviup nittartagaatigut ullormiit ullormut, naqitanngorlugu aviisimi sapaatip-akunneranut). Pineqartumut naqqiissutit tamarmik atuartartut eqqarsaatigalugit saqqummiuteqqinneqarsimapput, tassa aviisimik naqitamik atuartartut akiliillutik atuartagaanni, aamma kikkut tamarmik killeqanngitsumik atuarsinnaasaanni — sulilu periarfissarisanni — nittartakkatigut aviisimi oqaluttuarisamut naqqiissummik atuarnissaq periarfissarisimavaat.

Oqaluttuat saqqummiunneqarsimasut pissusiviusunik tunngaveqartut, paasissutissallu tatigineqarnermik annikillisitsisinnaasutut oqaatigineqarnerannut isumaqataannginneq Sermitsiamit aalajangiussimaneqarput. Sermitsiamit aamma aalajangiussimaneqarput, paasissutissat saqqummiuteqqinneqartut pitsaassusii piffissaagallartillugu qulakkearniarneqarsimanerat aamma piginittussaataasumik, oqartussanik, immikkut ilisimasalinnik avataaneersunik kiisalu najukkami innuttaasumik suliffeqarfimmillu piginnittumik oqaloqateqartarnikkut pitsaasumik tusagassioriaaseqarnissaq ingerlanneqarsimasooq. Sermitsiamit aamma oqaatigineqarpoq, tamatuminnga suliaqarsimaneq aviisimit uppersarsarneqarsinnaasoq, tassani paasissutissat nutaat tiguneqaraangata, ilaatigut aqutsisoqarfimmi pisortap [Ateq4]-ip tunngavissat pillugit allagai naapertorlugit inerniliussat ilaat aqqinneqarlutillu naqqinneqarsimallutik.

Tusagassiuutit pillugit Aaliangiisartut tunngavilersuutaat aalajangiinerallu
Aalajangiinermut peqataapput Peter Jensen, Karsten Sommer, Jens Thorin aamma Kirsten Thomassen.

Pitsaasumik tusagassioriaaseqarnissamut malittarisassani immikkoortoq A, nr. 1-imi allassimavoq, tusagassiorfiit eqqortumik sukkasuumillu paasissutissiisarnissaq suliassarigaat. Periarfissaqartillugu qulakkeerreqartariaqarpoq paasissutissat tunniunneqartut ingerlateqqinneqartulluunniit eqqortuunerat.

Pitsaasumik tusagassioriaaseqarnissamut malittarisassani imm. A, nr. 3-mi ima allassimavoq, paasissutissat arlaannut ajoqusiisinnaasut, nikanarsaataasinnaasut tatigineqarnermilluunniit annikillisitsisinnaasut saqqummiutilersinnagit immikkut ittumik misilinneqartassasut, pingaartumik pineqartumut saqqummiunneqarnerisigut. Saqqummiussineq imatut pisariaqarpoq apersorneqartoq akinissaminut naammaginartumik piffissalerlugu.

Suliami takuneqarsinnaavoq, ilanngutassiami ulloq 24. november 2023 kukkuneqartoq Sermitsiamit paasineqarmat, aviisimit ilanngutassiamut qulequtsiunneqartoq imarisaalu naqqinneqarsimasut. Kukkusutigineqarsimasut tassaapput akuersisummik qinnuteqarnissamut pisortatigoortumik piumasaqaatit aamma CVR pillugu nalunaarsuiffimmi suliffeqarfiit nalunaarsorneqarnissaannut tunngatillugu paatsoorsimaneq. Sermitsiamit ilisimatitsissutigineqarsimavoq, tusagassior tup Inuussutissarsiornermut Aqutsisoqarfimmi sulisumik oqaloqateqarnermini ilanngutassiami kukkusoqarsimasoq paasisimagaa.

[Naammagittaalliortoq]-mit ilisimatitsissutigineqarsimavoq, ilanngutassiap saqqummiunneqannginnerani [Naammagittaalliortoq]-mit akuersisummik qinnuteqarnissamut piumasaqaatit pillugit tusagassior tumut nassuiaaniartoqarsimasoq, soorlu aamma tusagassior tup Inuussutissarsiornermut Aqutsisoqarfimmut saaffiginneqquneqarsimasoq.

Tusagassiuutit pillugit Aaliangiisartut isumaqarput, akuersisummik qinnuteqaammik [Naammagittaalliortoq] suliaqarsimanerat pillugu aviisimit oqaaseqaateqartoqannginnerani tusagassior tup Inuussutissarsiornermut Aqutsisoqarfimmut attaveqarsimasariaqaraluortoq, aamma Sermitsiamit akuersisummik qinnuteqarnissamut piumasaqaatit naammaginartumik misissorneqaqqaarsimanngimmata pitsaasumik tusagassioriaaseqarnissamut malittarisassani immikkoortoq A, nr. 3 aamma 3 pillugit malittarisassat unioqqutinneqarsimasut.

Tusagassiuutit pillugit Aaliangiisartut isornartorsiorpaat, Sermitsiap ilanngutassiami siullermi CVR pillugu nalunaarsuiffimmi "Nunami allamiut ingerlatseqatigiiffiata suliffeqarfiataluunniit Kalaallit Nunaanni immikkoortorta qarfeqartut" piginnittussaataasup nalunaarsorneqarsimanera pillugu eqqortumik paasissutissiisimannginnera. Tusagassiuutit pillugit Aaliangiisartut aamma isornartorsiorpaat, paasissutissat akuersisummik qinnuteqarnissamut piumasaqaatit pillugit ilanngutassiarineqartut eqqortuunersut Sermitsiamit misissorneqarsimannginnerat. .

Pitsaasumik tusagassioriaaseqarnissamut malittarisassani immikkoortoq A, nr. 7-imi allassimavoq, nalunaarutininik eqqunngitsunik naqqiisoqartassasoq aqqissuisoqarfiup nammineq sulissutiginninneratigut, nalunaarutigineqartuni pingaarutilinnik kukkusoqarsimappat taakkuluunniit paasineqarniariapata. Imatut ilusilerlugu naqqiisoqartassaaq atuartartut, tusarnaartartut isiginnaartartulluunniit naqqiisummik maluginninnissaannut erseqqissumik periarfissillugit.

Sermitsiamit ilanngutassiaq naqitaq nutaarsiassaqtitsiviup nittartagaatigut saqqummiunneqarsimavoq, ullunilu 6. aamma 14. december 2023 nutaarsiassaqtitsiviup nittartagaatigut naqqiissuteqartoqarluni. Sermitsiamit aamma aviisimi naqitami naqqiissuteqartoqarpoq, ulloq 15. december 2023 saqqummiunneqartumi. Aallaqqaammut ilanngutassiarineqartoq aviisip Sermitsiap quppernerani 2-mi ulloq 24. november 2023 saqqummiunneqarpoq, naqqiissullu kalaallisut danskisullu aviisip quppernerani 15-imi ulloq 15. december 2023 saqqummiunneqarluni, tassani kalaallisoortaa qupperneq 14-imiittoq imatut qulequtserneqarsimalluni: ”Aatsitassanut inatsimmi najugaqarnissamut piumasaqaatip allanngortinneqarnera.”

Tusagassiuutit pillugit Aaliangiisartut isumaqarput, aallaqqaammut ilanngutassiarineqartumik atuartut naqqiissut pillugu eqqumaffigisassaqaqarnerannik naammaginartumik periarfissinneqarsimanngitsut, naqqiissullu immikkut nutaarsiassatut aallaqqaammut ilanngutassiarineqartup inaani saqqummiunneqarsimasariaqaraluartoq. Tamanna pisimanngimmat Tusagassiuutit pillugit Aaliangiisartut isornartorsiorpaat, Sermitsiamit naqqiissut atuartartut naqqiisummik eqqumaffiginnittussanngorlugit periarfissinneqarsimannginnerat.

[Naammagittaalliortoq]-mit ilanngutassiap ilaanik naammagittaalliuuteqarsimanerup suliarineqarnissaa inatsisitigut soqutigineqarnera kisimi pineqarmat, Tusagassiuutit pillugit Aaliangiisartut suliamut atatillugu isornartorsiuqqinnissamut tunngavissaqannginnerarput.

A A L A J A N G I I N E Q:

Kalaallit Nunaanni Tusagassiuutit pillugit Aaliangiisartunit ullormi 24. september 2024-mi suliamut 2024-14938-mut atatillugu oqaatigineqartut

[Naammagittaalliortoq]
illuatungeralugu
Sermitsiaq

[Naammagittaalliortoq]-mit ilanngutassiat ”Isumaqatigiissut nutaaq naammagineqanngitsoq” aamma ”[Suliffeqarfik1]: Meeqqat allaffiit ammarnissaanut ikiorneqarnissaminnik utaqqissappat?” Sermitsiap nittartagaatigut ulluni 6. juni 2024 aamma 24. juli 2024 saqqummiunneqartut naammagittaalliuutigineqarsimapput, [Naammagittaalliortoq]-mit isumaqartoqarmat ilanngutassiani pitsaasumik tusagassioriaaseqarnissaq malinneqarsimanngitsoq.

[Naammagittaalliortoq]-mit ilanngutassiat paasissutissanik eqqunngitsunik imaqartut aamma ilanngutassiat tamanut saqqummiunneqartinnagit [Naammagittaalliortoq]-mut saaffigineqarsimannginnera naammagittaalliuutigineqarsimapput.

Suliamik saqqummiussineq

Sermitsiamit ilanngutassiaq imatut qulequtaqartoq ”Isumaqatigiissut nutaaq naammagineqanngitsoq” ulloq 6. juni 2024 saqqummiunneqarpoq, imatullu qulequtaanut nassuiaatitaqarluni:

”Namminersorlutik Oqartussat atorfillillu kattuffiat [Naammagittaalliortoq] ukiuni tallimani atuuttussamik isumaqatigiissuteqarput, [Suliffeqarfik1] ilaasortani isumaqatigiissummut naaggaaqqullugit kajumissaarpai.”

Ilanngutassiami ”Inunnik isumaginninnermi siunnersortit naammaginninngitsut” pillugit immikkoortumi ilaatigut allassimavoq:

”...

Suliartoqquneqaratarsinnaanermut tunngatillugu ilaasortat atugaat ajornerulersimasut, Isumaginninnermi siunnersortit peqatigiiffiat [Suliffeqarfik1] isumaqarpoq.

- Taamaattumik ilaasortavut ullumimit pigaartuusarunnaaqqullugit sulinermilu saniatigut sulisarunnaaqqullugit kaammattuutigaarput. Kikkut allat unnukkoorlutillu unnuarsiussagamik tiimimut 40 koruuniinnaqarlutik? Aatsaat qaammatit pingasut ingerlanerini 52 tiiminik qaangiuttoorsimagaanni aningaasanngorlugit tiguneqarsinnaassallutik, tusagassiuutinut nalunaarummi siulersuisoq [Ateq1] allappoq.

Tamanna tunngavigalugu isumaqatigiissummut nutaamut [Suliffeqarfik1]-ip ilaasortani naaggaaqqullugit kajumissarai, taanna Sermitsiamut itisiliivoq.”-

Sermitsiamit ulloq 24. juli 2024 ilanngutassiaq imatut qulequtalik saqqummiunneqarpoq ”[Suliffeqarfik1]: Meeqqat allaffiit ammarnissaanut ikiorneqarnissaminnik utaqqissappat?”

Ilanngutassiap aallartinnerani Sermitsiamit imatut qulequtaanut nassuiaatitaqartinneqartoq:

”MALUGIUK: Pingaarnertut isummiussat ilanngutassiami matumani [Suliffeqarfik1]-imit saqqummiunneqartut [Naammagittaalliortoq]-mit akerlilerneqarput. [Naammagittaalliortoq]-mit nalunaarut ilanngutassiami uani atuarneqarsinnaavoq, [Suliffeqarfik1]-ip eqqunngitsumik paasissutissiinera eqqissiviilliortitsivoq”

Illuatungeriit isumaat

[Naammagittaalliortoq]-mit isummat

[Naammagittaalliortoq]-mit oqaatigineqarpoq, ilanngutassiaq Sermitsiamit ulloq 6. juni 2024 imatut qulequtalerlugu saqqummiunneqartoq ”Isumaqatigiissut nutaaq naammagineqanngitsoq” aamma ilanngutassiaq ulloq 24. juli 2024 imatut qulequtalerlugu saqqummiunneqartoq ”[Suliffeqarfik1]: Meeqqat allaffiit ammarnissaanut ikiorneqarnissaminnik utaqqissappat?” kukkusunik arlalinnik imaqartut. Kukkunerit taakku Naalakkersuisut [Naammagittaalliortoq]-llu isumaqatigiissutigeqqammisaanut tunngatillugit Isumaginninnermi siunnersortit peqatigiiffiannit [Suliffeqarfik1]-imit isummiussat ilaannit tunngaveqarput. Ilanngutassiami 6. juni 2024-meersumi ilaatigut ilisimatitsissutigineqarpoq, [Suliffeqarfik1]-imi ilaasortat siunissami aatsaat qaammatit pingasut ingerlanerini 52 tiiminik qaangiuttoorsimagunik aningaasanngorlugit tigusaqarsinnaalissasut, tamanna eqqortuunngilaq. Allat paasissutissallu kukkusuusut taakkua tunngavigalugit [Suliffeqarfik1]-ip ilaasortani kaammattorpai isumaqatiginninniarnermi angusanut naaggaaqqullugit, tamanna isumaqatiginninniarnermi angusat taasissutigineqarnerisa nalaanni malunnaatilimmik kinguneqaateqarsinnaagaluarpoq.

[Naammagittaalliortoq]-mit ilanngullugu aamma oqaatigineqarpoq, Sermitsiap 6. juni 2024-imi ilanngutassiaq siuliani taaneqartunik kukkunilik tamanut saqqummiutsinnagu [Suliffeqarfik1]-imit paasissutissat [Naammagittaalliortoq]-mut saqqummiussimasariaqaralarai. [Naammagittaalliortoq]-mit ulloq 7. juni 2024 Sermitsiamut saaffiginnittoqarpoq, tassani aviisimit suliap isumagineqarnera, tassunga ilanngullugu aviisimit ilanngutassiaq tamanut saqqummiunneqartinnagu paasissutissat [Suliffeqarfik1]-imeersut ilumoornersut ilumuunnginnersulluunniit paasiniarlugit [Naammagittaalliortoq]-mut saaffiginnittoqarsimannginnera isornartorsiorlugit, kiisalu ilanngutassiap tamanut saqqummiunneqartinnagu [Naammagittaalliortoq]-mit akissuteqartoqarnissaa periarfissinniarlugu. [Naammagittaalliortoq]-mit isornartorsiutit Sermitsiamit ulloq 10. juni 2024 tamanut saqqummiullugit ilanngutassiarineqarput, imatut qulequtserlugu: “[Ateq1] kattuffimmit ilaasortaajunnaarsitaavoq”. Sermitsiamit aamma ilanngutassiaq ulloq 24. juli 2024

tamanut saqqummiunneqartinnagu [Naammagittaalliortoq] pillugu [Suliffeqarfik1]-
imit paasissutissat ilumoorersut ilumuunnginnersulluunniit paasiniaarlugu
[Naammagittaalliortoq]-mut attaviginnittoqarsimanngilaq. Taamatuttaaq allakkat
[Naammagittaalliortoq]-mut imaluunniit Namminersorlutik Oqartussanut
tunngassuteqartut pillugit ilanngutassiaq tamanut saqqummiunneqartinnagu pineqartut
akissuteqarnissamut periarfissinneqarsimanngillat. Taamatut pisoqarpoq, ulloq 6. juni
2024 avisimit ilanngutassiamut atatillugu pissutsit asserluinnaat pillugit
[Naammagittaalliortoq]-mit saaffiginnittoqarsimagaluortoq. Tassa Sermitsiamit
[Naammagittaalliortoq] oqaaseqartinneqartassanngitsoq arlaleriarluni
toqqarneqartarsimavoq, aviisimilu ilanngutassiaq illuinnaasiortoq kukkunertalillu
tamanut saqqummiutiinnartarlugu.

Taamatut Sermitsiamiit iliuuseqaaqattaarnerit pitsaasumik tusagassioriaaseqarnissamut
akerliusuupput, pingaaruteqarpormi tusagassiorfiit paasissutissanik eqqortunik
saqqummiussisarnissamik qulakkeerinnittarnissaat aamma illuatungeriit pineqartut
oqaaseqarnissamut periarfissinneqartarnissaat paasissutissanillu eqqunngitsunik
aaqqiisarnissaat

Sermitsiamit isummat

Sermitsiamit oqaatigineqarpoq, Tusagassiorfimmiit pingaarnertut nalilernerqarsimasoq
aalajangersimasumik ilinniagaqarsimallutik sulisut, soorlu [Suliffeqarfik1]-imi
ilaasortat isumaqatigiisummik nutaamik isornartorsiunerat nutaarsiassaasoq
inuiaqatigiinnut soqutiginaateqartoq. pingaartumik sulisut isumaginninnermi
siunnersortaatillugit. Tusagassiorfimmiit inuiaqatigiinni unammillernartut
annertuumik ukkatarineqartarput, pingaartumik [Suliffeqarfik1]-ip suliassaqarfiani
inunnik isumaginnittarnermut tunngassuteqartut pineqartillugit, taamaattumik aamma
[Suliffeqarfik1]-imit tamanut ammasumik isornartorsiuisoqarnera immikkut
soqutiginaatilittut isigineqarluni, tamannalu tunngaviuvoq ilanngutassiat marluusut
tamanut saqqummiunneqarnerannut.

[Naammagittaalliortoq], kattuffik [Suliffeqarfik1]-imit ilaasortaaffigineqartoq,
ilanngutassiamut 6. juni 2024-meersumut naqqiissuteqartinneqarpoq, tassa ulloq 10.
juni 2024 immikkut ilanngutassiami, imatut qulequtaqartinneqartumi: "[Ateq1]
kattuffimmit ilaasortaajunnaarsitaavoq", tassani kattuffimmit isummanik
isumaqatigiisummullu nutaamut naliliinermik saqqummiussivoq. Ilanngutassiaq
"[Suliffeqarfik1]: Meeqqat allaffiit ammarnissaanut ikiorneqarnissaminnik
utaqqissappat?" isumaqatigiissut nutaaq pillugu sammisamik, siusinnerusukkut
[Suliffeqarfik1]-imit isornartorsiorneqarsimasumit nangitsineruvoq. Allakkat
ammasut, ilanngutassiami tunngavigineqartut Naalakkersuisunut allagaapput,
[Suliffeqarfik1]-imit allakkat ammasut tunngavigalugit Sermitsiamit
saaffiginissummut suli akissuteqarsimanngitsunut. Ilanngutassiami siusinnerusukkut
ilanngutassiarineqartut innersuussutigineqarput: "Isumaqatigiissut nutaaq
naammagineqanngitsoq" aamma "[Ateq1] kattuffimmit ilaasortaajunnaarsitaavoq",
taakkunatigut suliamut pineqartumut suliaraqatigiit isumaannik atuartartut
paasisaqarniassammata. Ilanngutassiamili [Naammagittaalliortoq]-mit
isumaqataanngitsoqartoq aamma [Suliffeqarfik1]-imit isumaqatigiisummik

paatsoortoqarsimaneranik isumaqartoqartoq, taamalu isornartorsiuinermut tunngavisoq erseqqissaaffiginerusimasinnaagaluarpavut. Taamaammat [Naammagittaalliortoq]-mut atatillugu ulloq 31. juli immikkut ilanngutassiortoqarpoq: "[Naammagittaalliortoq]: [Suliffeqarfik1]-ip eqqunngitsumik paasissutissiinera eqqissiviillioortitsivoq." Ilanngutassiami tassani [Naammagittaalliortoq] pisumut tunngatillugu oqaaseqarnissamut periarfissinneqarpoq, tassungalu atatillugu [Suliffeqarfik1]-imit ammasumik allagaqarnermi eqqunngitsunik paasissutissiisoqarsimanera pillugu aaqqissuisoqarfimmut uppersaatinik tunniussilluni.

Ilanngutassiamut "[Naammagittaalliortoq]: [Suliffeqarfik1]-ip eqqunngitsumik paasissutissiinera eqqissiviillioortitsivoq." atatillugu aaqqissuisoqarfimmiit ajuusaarutigaarput, ilanngutassiami "[Suliffeqarfik1]: Meeqqat allaffiit ammarnissaanut ikiorneqarnissaminnik utaqqissappat?" isornartorsiut [Naammagittaalliortoq]-mut saqqummiussimannginnatsigu. Isumaqatigiissutimmi nutaap nassatarisinnaasai pillugu isumaqatigiinngittoqangaatsiarmat taamaaliorsimasussaagaluarpugut. [Naammagittaalliortoq] nutaamik ilanngutassiornikkut naqqiissuteqartinneqarmat, aamma saqqummiussisimannginnerput ajuusaarutigigatsigu isumaqarpugut, suliaq naammassineqartariaqartoq. Soorunami paasissutissanik eqqortuunngitsunik siunissami saqqummiisannginnissarput anguniarlugu isumaqatigiissut pillugu isumaqatigiinngitsoqarsinnaanera immikkut eqqumaffiginiassavarput, paasissutissanimmi eqqortuunngitsunik ingerlatitseqqiisarnermut peqataarusunngilluinnarpugut.

Ilanngutassiaq "[Suliffeqarfik1]: Meeqqat allaffiit ammarnissaanut ikiorneqarnissaminnik utaqqissappat?" tamanut saqqummiunneqareersoq, [Naammagittaalliortoq]-mit aaqqissuisoqarfimmut saaffiginnittoqaqqaaranit toqqaannartumik Tusagassiuutit pillugit Aaliangiisartunut naammagittaalliuteqarnissamik aalajangiisoqarsimanera tassani isiginiarneqartariaqarpoq. [Naammagittaalliortoq]-mit oqallinnermut peqataasoqarsinnaaneranut naqqiissuteqartoqarsinnaaneranulluunniit akornguseerusunngilagut. Ilanngullugu isiginiarneqartariaqarpoq, [Naammagittaalliortoq]-p inuiaqatigiinnut sunniuteqartartumik kattuffiunera, iliuuserisartagaallu tamanit oqallissutaasariaqartut oqallisigineqartariaqartullu, kiisalu sammisanut marluusunut [Naammagittaalliortoq]-mit naqqiissuteqartoqarsinnaanera sukkulluunniit itigartitsissutigisimanatigu, isumaannilli saqqummiussiniarluta sapinngisatsinnik iliuuseqarniarsimalluta.

Tusagassiuutit pillugit Aaliangiisartut tunngavilersuutaat aalajangiinerallu

Aalajangiinermut peqataapput

Karsten Sommer, Alice Sørensen, Nino Fencker aamma Kirsten Thomassen

Pitsaasumik tusagassioriaaseqarnissamut malittarisassani immikkoortoq A, nr. 1-imi allassimavoq, tusagassiorfiit eqqortumik sukkasuumillu paasissutissiisarnissaq

suliassarigaat. Periarfissaqartillugu qulakkeerneqartariaqarpoq paasissutissat tunniunneqartut ingerlateqqinneqartulluunniit eqqortuunerat.

Ilanngutassiani pineqartuni atuarneqarsinnaavoq, isumaginninnermi siunnersortit atugaasa ajorseriarnerat pillugu [Suliffeqarfik1] isumai, Tusagassiuutit pillugit Aaliangiisartunit tunngavissaqartinneqanngilaq Sermitsiap ilanngutassiani paasissutissanik pineqartunik tamanut saqqummiussisimanera isornartorsiussallugu.

Pitsaasumik tusagassioriaaseqarneq pillugu maleruagassiani Imm. A, nr. 3-mi ima allassimavoq, paasissutissat arlaannut ajoqusiisinnaasut, nikanarsaataasinnaasut tatigineqarnermilluunniit annikillisitsisinnaasut saqqummiutilersinnagit immikkut ittumik misilinneqartassasut, pingaartumik pineqartumut saqqummiunneqarnerisigut. Saqqummiussineq imatut pisariaqarpoq apersorneqartoq akinissaminut naammaginnartumik piffissalerlugu.

Tusagassiuutit pillugit Aaliangiisartut isumaqatigiissut pineqartoq ilaasortanit taasissutigineqarnerata nalaani [Suliffeqarfik1]-imit oqaaseqaatit tamanut saqqummiunneqarnerat [Naammagittaalliortoq]-mut ajoqusiisinnaasoq pillugu [Naammagittaalliortoq]-mit oqaatigineqartoq isumaqatigivaat, aamma ilanngutassiat tamanut saqqummiunneqartinnagit ilanngutassiarineqartut [Naammagittaalliortoq]-mut saqqummiunneqarsimasariaqarnerat isumaqataaffigivaat. Sermitsiamit ilanngutassiat 10. juni 2024-meersoq aamma 31. juli 2024-meersoq nittartakkatigut tamanut saqqummiunnerisigut, [Suliffeqarfik1]-imit oqaaseqaatinut [Naammagittaalliortoq]-mit akissutit ingerlateqqillugit, aamma ilanngutassiami 24. juli 2024-meersumi [Naammagittaalliortoq]-mit akissutigineqartumut innersuussummik ilanngussisoqarluni pineqartunut saqqummiusseqqaarsimannginneq iluarsineqarpoq. Sermitsiamit sukkanerusumik qisuariartoqarsinnaasimagaluartoq, tusagassiorfimmit saqqummiusseqqaarsimannginneq iluarsineqarsimavoq, taamaammallu aalajangiisartunit suliamik isornartorsiuinissaq tunngavissaqartinneqanngilaq.

Kirsten Thomassen
Formand